

稱

謂

錄

稱謂錄卷十一

福州梁章鉅撰

男恭辰校刊

宗室

宗室 詩厭厭夜飲在宗在考毛傳夜飲必於宗室鄭箋夜飲之禮在宗室同姓諸侯則成之又詩宗室牖下毛詩太宗之廟也鄭箋祖廟既毀教於宗室 案宗室二字蓋始於此

覺羅 會典宗人府凡 玉牒所載以 顯祖宣皇帝本支爲宗室伯叔兄弟之支爲覺羅

皇弟 晉書武帝紀皇弟攸爲齊王

帝弟 潘安仁詩帝弟作弼

介弟 沈約齊安陸昭王碑文况我君斯皇皇介弟

皇從父兄 晉書武帝紀皇從父兄洪爲河閒王

皇從父弟 晉書武帝紀皇從父弟楸爲東平王

皇伯 宋史司馬光傳英宗詔兩制集議濮王典禮學

士王珪等相視莫敢先光獨奮筆書曰爲人後者爲  
之子不得顧私親王宜準封贈期親尊屬故事稱爲

皇伯

皇叔 歸田錄燕王元儼太宗幼子也至仁宗卽位以  
皇叔之親特見尊禮

皇叔父 晉書武帝紀皇叔父幹爲平原王

皇從伯父 晉書武帝紀皇從伯父望爲義陽王

皇從叔父 晉書武帝紀皇從叔父輔爲渤海王

皇族 晉書職官志宗正統皇族宗正圖牒

皇屬 晉書譙王承傳吾以闇短託宗皇屬

皇宗 魏書陽平王新成子欽傳欽字思若少好學時  
人語曰皇宗略略壽安思若

帝屬 北史魏宗室遼西公意烈傳自以帝屬恥居跋

下

帝宗 唐書宗室孝節傳曾孫暉始爲枝江丞張柬之

曰帝宗千里駒吾得其人

天族 慕容超載記天族多奇玉林多寶

天潢 曹固表分支若水疏派天潢

聖系 宋史樂志聖系彪鴻景命溥將

黃祚 子華子黃者軒轅二十五宗故黃祚衍於天下

宗周之王也姬姓之封者凡七十

貴者 周禮鄉大夫其舍者國中貴者司農注貴者謂  
若今之宗室

公姓 詩振振公姓注公姓公孫也 王粲正攷父贊  
身爲國卿族則公姓

威屬 北史獻文六王傳元堪宗室威屬位居常伯正  
使

宗英 漢書敘傳河間賢明禮樂是修爲漢宗英  
名宗子 書敘指南公孫瓚稱賢宗室曰名宗子

宗室老 書敘指南杜牧稱宗室曰宗室老

瓊枝班 解醒語親王謂之瓊枝班

金枝玉葉 山堂肆攷金枝玉葉謂王孫公子也見六

帖

仙源 宋四朝志修纂牒譜圖籍其別有五一日仙源

宗室封爵各稱

親王 會典宗人府封爵等級宗室封爵之等十有四

一和碩親王又封爵表親王嫡子仍襲親王 案陳

書凡親王起家則爲侍中隋書開皇中制國王郡王

諸稱凡九等至煬帝惟留王公侯三等餘並廢之皇

伯叔昆弟皇子是爲親王唐書皇兄弟皇子爲王皆封國之親王宋史亦云皇子兄弟封國謂之親王鐵帽子 案我朝禮親王睿親王肅親王鄭親王莊親王豫親王順承郡王克勤郡王皆國初有大勲勞者世襲不降封謂之鐵帽子王

世子 會典宗人府封爵等級二世子親王嫡子奉特旨始封世子其未封世子者與餘子同授封爵 案古諸侯子皆稱世子如禮記有文王世子篇孟子滕文公爲世子是也宋書諸王世子皆金印紫綬進



賢兩梁冠佩山元玉則六朝已稱宗室諸王之子爲世子矣

郡王 會典宗人府封爵等級三多羅郡王又封爵表  
郡王嫡子仍襲郡王 案晉書武帝踐阼封宣帝孫  
永爲東莞郡王唐書龍朔二年制諸王子嫡者封郡  
王任職從四品下敘其衆子封郡公從五品上敘宗  
史親王之子承嫡者爲嗣王宗室近親承襲 特旨  
者封郡王

長子 會典宗人府封爵等級四長子郡王嫡子奉

特旨始封長子其未封長子者亦與餘子同授封爵  
貝勒 會典宗人府封爵等級五多羅貝勒又封爵表  
夙貝勒降襲貝子

貝子 會典宗人府封爵等級六固山貝子又封爵表  
貝勒降襲貝子

鎮國公 會典宗人府封爵等級七奉恩鎮國公貝子  
嫡子降封鎮國公

輔國公 會典宗人府封爵等級八奉恩輔國公鎮國  
公嫡子降襲輔國公輔國公嫡子仍襲輔國公

不入八分公 會典親王餘子考授不入八分公注云  
謹案天命年開立八和碩貝勒共事議政各置官屬  
凡朝會燕饗皆異其禮 賜賚必鈞及是爲八分天  
聰以後宗室內有 特恩封公及親王餘子授封公  
者皆不入八分其有功加至貝子準入八分如有過  
降至公仍不入八分又乾隆十三年定世子嫡子  
恩封不入八分公

不入八分鎮國公 會典宗人府封爵等級九不入八  
分鎮國公

不入八分輔國公 會典宗人府封爵等級十不入八分輔國公不入八分鎮國公嫡子降襲不入八分輔國公

一等鎮國將軍 會典郡王餘子考授一等鎮國將軍  
乾隆十三年定世子餘子考授一等鎮國將軍長子嫡子 恩封一等鎮國將軍宗人府封爵等級十一鎮國將軍

二等鎮國將軍 會典貝勒餘子考授二等鎮國將軍  
乾隆八年定親王側福晉子考授二等鎮國將軍十

三年定長子餘子考授二等鎮國將軍

三等鎮國將軍

會典貝子餘子考授三等鎮國將軍

又不入八分輔國公嫡子降襲三等鎮國將軍乾隆

八年定郡王側福晉子考授三等鎮國將軍十三年

定世子側福晉子考授三等鎮國將軍

一等輔國將軍

會典鎮國公餘子考授一等輔國將

軍又一二三等鎮國將軍嫡子各降襲一二三等輔

國將軍乾隆八年定貝勒側室子考授一等輔國將

軍十三年定長子側福晉子考授一等輔國將軍宗

人府封爵等級十二輔國將軍 案杜氏通典後漢  
獻帝置輔國將軍以伏完爲之晉王濬平吳後拜輔  
國大將軍唐時輔國大將軍爲武散官

二等輔國將軍 會典輔國公餘子考授二等輔國公  
乾隆八年定貝子側室子考授二等輔國將軍

三等輔國將軍 會典不入八分輔國公餘子均考授  
二等輔國將軍又一二三等鎮國將軍餘子均考授  
三等輔國將軍乾隆八年定鎮國將軍側室子考授  
二等輔國將軍又十三年定封爵表親王別室所居

妾媵子考授二等輔國將軍不入八分鎮國公餘子  
考授三等輔國將軍

一等奉國將軍 會典一二三等輔國將軍嫡子各降  
襲一二三等奉國將軍乾隆八年定輔國公側室子  
考授一等奉國將軍宗人府封爵等級十三奉國將  
軍

二等奉國將軍 見上注

三等奉國將軍 見上注又一二三等輔國將軍餘子  
均考授三等奉國將軍乾隆十三年定世子妾媵子

考授三等奉國將軍郡王妾媵子亦考授三等奉國將軍

奉恩將軍 會典一二三等奉國將軍嫡子均降襲奉恩將軍餘子均考授奉恩將軍其奉恩將軍既無可降之品級將奉恩將軍嫡妻所生子但準一子考試承襲奉恩將軍餘子停封酌量優者奏請考試準食雲騎尉俸又乾隆十三年定長子之妾媵子考試授奉恩將軍又貝勒貝子之妾媵子亦並考授奉恩將軍見封爵表宗人府封爵等級十四奉恩將軍



宗室古封爵各稱

案古時宗室封爵兼用公侯諸稱與異姓無別宜與卷十一各等封爵類參看

王 侯 諸侯王 諸侯 馬氏通考漢興設爵二等

曰王曰侯皇子而封爲王者其實古諸侯也故謂之諸侯王王子封爲侯者謂之諸侯

縣王 魏志黃初五年詔曰先王建國隨時而制漢祖增秦所置郡至光武以天下損耗並損郡縣今以比之益不及焉其改封諸王皆爲縣王

嗣王 藩王 陳書皇弟皇子府置長史等官其嗣王

藩王則遞滅之 宋史親王之子承嫡者爲嗣王

公 後漢書光武紀封皇子輔爲右翊公英爲楚公陽  
爲東海公 唐書膠東郡王道彥傳太宗卽位舉屬  
籍問大臣曰盡王宗子於天下可乎封德彝曰漢所  
封惟帝子若親昆弟其屬遠非大功不立如周郇滕  
漢賈澤尙不得茆土所以別親疎也於是疎屬王者  
皆降爲公

縣公 唐書江夏王道宗傳弟道興武德初爵廣陵郡  
王以屬疎降封縣公

國公 宋史宗室祖宗後承襲及特旨者封國公

郡公 唐書諸王衆子封郡公從五品 宋史宗室近

親並封郡公又皇屬特郡公縣或賜侯者無開國字  
注云侯亦在開國郡公之上

鄉公 鄉侯 亭伯 魏志黃初三年初制封王之庶

子爲鄉公嗣王庶子爲鄉侯公之庶子爲亭伯

伯 子 男 晉書非皇子不得爲王而諸王之支庶

皆皇家之近屬至親亦各以土推恩受其大國次國  
始封王之支子爲公承封王之支子爲侯繼承封王

之支子爲伯小國五千戶始封王之支子及始封公侯之支子皆爲男

都督 刺史 唐書荆王元景傳正觀十一年詔荆州都督荆王元景鄭州刺史鄭王元懿等所任州刺史並功臣令世襲令長孫無忌等固辭遂廢不行又太宗本紀正觀十一年六月己未以諸王爲世封刺史十三年二月庚子停世封刺史

藩房 謝眺辭隨王詩清切藩房注藩房王府

藩后 西京雜記羊勝屏賦曰藩后宜之壽考無疆

材王 唐書越王貞傳貞善騎射涉文史有吏幹爲宗  
室材王

太保 宋史周王元儼傳少奇穎太宗特愛之不欲早  
出宮期以年二十始就封故宮中稱爲二十八太保  
蓋元儼於兄弟中行第八也

南班 洪邁容齋隨筆南班宗室自來只以本官奉朝  
請

橫帳 遼史國語解德祖族屬號三父房稱橫帳宗室  
之尤貴者

宗室妻

親王福晉 世子福晉 郡王福晉 夫人 淑人

恭人 會典順治十七年定親王及世子郡王妻封親

王福晉世子福晉郡王福晉長子貝勒至輔國將軍  
妻封夫人奉國將軍妻封淑人奉恩將軍妻封恭人

宗室妾

側福晉 側室 會典親王側福晉四人世子郡王三  
人長子貝勒側室二人貝子及鎮國公輔國公一人  
冠服降嫡福晉正室一等 案親王世子郡王妻曰

嫡福晉妾曰側福晉長子貝勒以下皆稱正室側室  
宗室妻古稱

國夫人 杜氏通典大唐外命婦之制諸王母妻及妃  
爲國夫人

妃 杜氏通典唐開元八年五月勅準令王妻爲妃又  
貞元六年太常卿崔縱奏諸國王母未有封號請遵  
典故爲某國太妃

太儀 杜氏通典吏部郎中柳冕等狀稱歷代故事及  
六典無公主母稱號伏請降於王母一等命爲太儀

各以公主本封加太儀之上從之

公主

固倫公主 和碩公主 會典皇女由中宮出者曰固

倫公主由妃嬪出者曰和碩公主如中宮撫宗室女  
下嫁亦曰和碩公主

皇女 歸田錄皇女爲公主其夫必拜駙馬都尉 歐

陽修論美人張氏恩寵宜加裁損劄子臣近風聞禁  
中因皇女降生於左藏庫取綾羅八千疋染院工匠  
當此苦寒之際敲冰取水染鍊供應頗甚艱辛



公主古稱

公主 獨斷上帝之女曰公主 案初學記周天子嫁女於諸侯至尊不自主婚必使諸侯同姓者主之始謂之公主 又案魏書賈秀傳承相乙渾妻庶姓而求公主之號屢言於秀秀對曰公子之稱非庶姓所宜乙渾夫妻默然

縣公主 漢書皇女皆稱縣公主儀服同列侯其尊崇者加號長公主儀服同藩王

長公主 漢昭帝紀帝姊鄂邑公主爲長公主又漢書

外戚傳竇姬男最長立爲太子女爲長公主 臧榮  
緒晉書賈后二女宣華女彥封宣華宏農郡主女彥  
年八歲后欲議封長公主彥曰我尙小未及成人禮  
不用公主

大長公主 唐書女爲公主姊爲長公主皇姑爲大長  
公主皆封國親正一品

王姬 詩小序何彼穠矣美王姬也雖以王姬亦下嫁  
於諸侯猶執婦道以成肅雝之德又曷不肅雝王姬  
之車 春秋魯莊公元年築王姬之館於外

帝姬 宋史公主傳政和三年改公主號爲帝姬郡王  
爲宗姬縣主爲族姬又蔡京子儻尙徽宗皇帝女茂  
德宗姬注帝時特改公主曰帝姬

天姬 寵主 山堂肆考公主曰天姬亦曰寵主

君主 丹鉛錄秦始以君主妻河君主猶後世公主也  
貴主 李適侍宴安樂公主山莊應制詩貴主稱觴萬  
年壽 柴季通書敘指南竇憲稱公主曰貴主

太主 王主 漢書東方朔傳帝姑館陶公主號竇太  
主又帝始名王主

主家 通鑑宋太祖性節儉皇女永甯公主衣貼繡鋪

翠襦入宮帝曰主家服此宮闈必相效法成風

宅家子 陳李濟翁資暇錄公郡縣主宮禁號爲宅家

子

任 漢書王莽傳其女皆爲任又云辟任附城食其邑

注辟君也任公主也

天女 史記天官書注織女一名天女天子女也

帝子 楚辭帝子降兮北渚注帝子謂堯女也 馬懷

素送金城公主適西蕃應制詩帝子今何在重姻適

異方

宗室女

郡主 縣主 郡君 縣君 鄉君 宗女 會典親  
王女和碩格格曰郡主 郡王女多羅格格曰縣主 貝  
勒女多羅格格曰郡君 貝子女固山格格曰縣君 入  
八分鎮國公輔國公女曰鄉君 貝子入八分公側室  
所生之女曰宗女

格格 見上注

宗室女古稱

翁主 山堂肆考天子女尊合同姓代主婚故曰公主  
諸王女卑自主之故曰翁主 案漢書師古注云天  
子不親主婚故謂之公主諸侯卽自主婚故其女號  
翁主翁者父也

鄉亭翁主 漢書諸王女皆封鄉亭翁主儀服同鄉亭  
侯

駙馬

固倫額駙 和碩額駙 會典乾隆四十年 諭額駙  
等向係照公主封號授爲固倫額駙和碩額駙惟公

稱謂錄

卷十一

十五

主所生之子未經定例賞給品級此內如下嫁蒙古王公之公主所生之子本名有應得品級毋庸另爲辦理至在京公主所生之子若不授以品級於體制殊未允協嗣後在京公主所生之子至十三歲時如係固倫公主所生卽給予伊父固倫額駙品級和碩公主所生卽給予伊父和碩額駙品級著爲令

駙馬古稱

駙馬 副馬 漢書百官表駙馬都尉掌駙馬武帝初置秩比二千石注駙馬副也非正駕車皆爲副馬

初學記魏晉之後尙公主皆拜駙馬都尉 趙葵行

營雜錄皇女爲公主其夫必拜駙馬都尉故謂之駙

馬 南史袁樞傳凡尙公主必拜駙馬都尉魏晉以

來因爲瞻準 池北偶談懶真子云御馬之副謂之

駙馬杜預尙主武帝拜鎮南大將軍給追鋒車第二

駙馬吾鄉有爲尙書子婿者與婦兄同赴京師一日

向友人訴廢吏云婦兄馬肥吾馬獨瘦友人答云彼

正馬也君駙馬耳那得一例合座大笑此雖戲語深

合故實 案說文駙副馬也一曰近也或取其扈從



親近耳然古來凡宗室女封郡主者謂其夫爲郡馬  
縣主者其夫爲縣馬又不知何義也又考駙馬都尉  
漢武初置掌御馬厯兩漢皆以宗室故外戚與諸公  
子孫任之魏晉始有以主壻爲之者至唐以後則專  
爲尙主者之職

都尉 李白贈獨孤駙馬詩都尉朝天躍馬歸

列侯 漢書漢制以列侯尙公主王吉曰漢家列侯尙  
公主諸侯則國人承翁主使男事女夫詘於婦逆陰  
陽之位故多女亂

帝婿 後漢書馬援傳梁伯孫帝婿貴重 北史楊素  
傳朝廷靡然莫不畏附惟兵部尙書柳述以帝婿之  
重數於上前面折素

主婿 晉書王濟傳濟善於清言修飾辭令諷議將順  
朝臣莫能尙焉帝益親貴之仕進雖速論者不以主  
婿之故咸謂其才能致之

國婿 宣和書譜蔡凝字子居以名公子選尙高宗女  
信義公主拜駙馬都尉凝家世貴顯又身爲國婿旣  
不爲膏粱紈綺所移而字畫秀潤風致尙可追步晉

人

國婚

南史荀羨年十五擬國婚之選後尙潯陽公主

禁嚮

晉史謝混傳袁崧欲以女妻之王珣曰卿莫近

禁嚮初元帝鎮建業公私窘罄每得一狔以爲珍膳

頂上一嚮尤美輒以薦帝羣下未嘗敢食於時呼爲

禁嚮故珣因以爲戲混後竟尙主 李頎詩君爲禁

嚮客 李商隱詩南朝禁嚮無人近

粉侯

宋史刑法志俗稱駙馬爲粉侯人以王師約故

呼其父堯臣爲粉父又表異錄文及甫抵書邢恕謂

駙馬韓嘉彥兄忠彥爲粉昆

宗室壻古稱

郡馬 縣馬 趙葵行營雜記宗室女封郡主者夫爲

郡馬封縣王者夫爲縣馬

裙帶官 池北偶談宋時親王南班之壻號曰西官又謂之裙帶官見朝野類要

外戚

后父 後漢書桓譚傳傳王后父孔鄉侯晏深善於譚譚曰君侯以后父尊重而多賓客必借以重勢貽致

譏議 漢書外戚恩澤侯表序后父據春秋褒紀之義 案春秋桓四年秋七月紀侯來朝何休注曰稱侯者天子將娶於紀故封之百里

后母 會典禮部大婚納采之禮 皇后邸設納采燕皇命特命公主大臣命婦燕后母於內大婚之日 皇太后御慈甯宮 賜后母及其親屬燕公主福晉夫人大臣命婦皆與

后祖父 后祖母 會典康熙四年 聖祖仁皇帝大婚禮是日 賜后祖父母父母衣服各跪受訖后祖

父率子弟於堂之南后祖母率諸婦於堂之北行謝  
恩禮如儀

一等公 二等公 會典吏部原定外戚推恩 皇太后  
后 皇后之父 特封一等公歿者追贈其子孫世  
襲罔替由該旗具奏承襲咨部乾隆四十三年 諭  
后族承襲世爵向來俱準一等公此等特因椒房至  
戚恩澤加封其與佐命功臣櫛風沐雨拓土開疆者  
實難並論况宗室王公以近支恩封者尙以世次遞  
降而外戚轉得以崇封延世未免過優著將所有承

恩公爵俱改爲二等公世襲罔替著爲令

外戚古稱

外戚 史記有外戚世家漢書有外戚列傳

外舍 後漢和熹鄧后紀宮禁至重而使外舍久在內

省誠不願也注外舍外家

宗家 周陽由傳由以宗家任爲郎注與國家有外戚

姻屬比於宗室故云

姻臣 書敘指南沈賢國戚曰姻臣

國姻 王蘊傳以舒國姻之重 劉禕之詩德優宸念

遠禮備國姻崇

國舅 遼史百官志南宰相府掌佐理軍國之大政國舅五帳世預其選

國甥 魏書奚斤傳庫仁以國甥恃寵

妃母 北史宋 王延宗納趙郡李祖收女爲妃後帝幸李宅妃母宋氏薦石榴於帝帝投之魏收曰石榴房中多子王新婚妃欲子孫衆多耳帝大喜詔收卿還將來並賜收美錦二疋

特進侯 漢書儀皇后父兄率爲特進侯朝會位次三



公

小侯 漢書明帝紀爲四姓小侯開立學校注爲外戚  
樊氏郭氏陰氏馬氏諸子弟立學號四姓小侯以非  
列侯故曰小侯

逍遙公 韋嗣立傳營別第驪山英武谷帝臨幸命從  
官賦詩因封嗣立逍遙公

太上君 魏書外戚傳胡國珍靈太后父也太后臨朝  
封安定公追崇其妻爲秦太上君

椒蘭班 解醒語外戚謂之椒蘭班

恩戚家子 宋書蕭惠開傳外祖劉成戒之曰汝恩戚家子當應將迎時俗緝外內之數

太監

宮殿監督領侍 會典內務府太監品級宮殿監督領侍正四品

宮殿監正侍 會典宮殿監正侍從四品卽總管

總管 見上注

宮殿監副侍 會典宮殿監副侍正五品卽副總管

副總管 見上注

內廷侍

會典內廷侍從五品卽首領

執事侍

會典執事侍六品卽首領

內廷待詔

會典內廷待詔六品卽首領

內廷供奉

會典內廷供奉七品卽首領

執守侍

會典執守侍七品卽首領

內廷供用

會典內廷供用八品卽首領

侍監

會典侍監八品卽首領

首領

見上注

內侍

會典內侍九品

案順治初年設十三衙門給

太監品級十八年裁十三衙門并裁太監品級以上諸稱雍正四年所定也

### 太監古稱

寺人 周官寺人掌王之內人及女官 詩寺人孟子  
內侍伯 唐書宦者傳唐制內侍者有寺伯寺人各六  
內豎 周禮寺人王之正內五人內豎倍寺人之數注  
豎未冠者之官名又內豎掌內外之通令注豎童豎  
也內豎蓋奄之小者

奄 周禮天官奄十人注奄氣精閉藏之者今謂之宦

人

奄尹 蔡邕月令問答奄尹者內官也主宮室出入宮中

內閣官 文選注杜預曰寺人內閣官豎刁也

奚 宦女 周官奚三百人注奚宦女也疏宦女者漢時已有此別號 五代史宦者傳序自古宦女之禍深矣案宦女注原文作官阮校棗記謂當作宦

宦者 唐書劉蕡傳蕡對策詆宦者考官不敢取李邵曰劉蕡下第我輩登科能無厚顏

宦者令 杜氏通典戰國時有宦者令趙有宦者令繆賢是

中書謁者令丞 將行 衛尉 少府 杜氏通典秦少府屬官有中書謁者令丞又有將行衛尉少府各一人並皇后卿

永巷長 後漢書百官志永巷長本注曰宦者主宮中婢使據續漢志永巷令本注曰宦者典宮婢侍使

掖庭令 漢書注掖庭宮人之官有令丞宦者爲之

百官公卿表太初元年改永巷爲掖庭丞 後漢宦

者傳論非復掖庭永巷之職闈牖房闈之任也

中常侍 小黃門 杜氏通典後漢永平中定中常侍

四人小黃門十人自和熹太后以女主稱制不接公卿乃以闈人爲常侍小黃門通命兩宮自此以來悉用闈人不調他士

傳詔童 酉陽雜俎梁主常遣傳詔童賜羣臣歲旦酒當是小黃門之類

中傅 漢書武帝紀濟川王明坐殺中傅廢遷防陵注中傅宦者也

大長秋 歷代沿革漢有常侍贊導內事魏有大長秋  
長信詹事 長信少府 長樂少府 杜氏通典漢有  
長信詹事掌皇太后宮景帝六年更名長信少府平  
帝元年更名長樂少府職如長秋位在長秋上及職  
吏皆宦者也

太僕 杜氏通典漢成帝置太僕一人掌太后輿馬通  
謂之皇太后卿 案亦以宦者爲之

中侍中省 長秋寺 司內上士 小司內中士 巷  
伯中士 杜氏通典北齊有中侍中省置中寺中二人



中常侍四人掌出入門閣又有長秋寺置卿中尹各一人掌諸宮閣領掖庭等令並用宦者後周有司內上士小司內中士蒼伯中士等官

內侍監 內侍省 長秋監 司宮臺 內常侍 唐書百官志武德四年改長秋監曰內侍監內承奉曰內常侍

內小臣 給事黃門 中給事中 內承直 內給事 杜氏通典周禮內小臣之職掌王后之命后出入前驅後漢少府有給事黃門常侍左右後魏有中給

事中後改爲中給事北齊中侍中省有中給事中四人煬帝改爲內承直唐爲內給事置八人

中宮謁者 中謁者僕射 內謁者監 內謁者 杜氏通典後漢大長秋屬官有中宮謁者二人主報中章後魏北齊有中謁者僕射隋內侍省有內謁者監六人內謁者十二人唐因之

稱謂錄卷十二

福州梁章鉅撰

男恭辰校刊

師傅保

太師 太傅 太保 會典太師太傅太保係少師少

傅少保晉銜內閣各部院大臣加銜又內閣大學士

由各部尙書都察院左都御史陞銜補授後吏部將

授爲何殿閣具題請 旨

少師 少傅 少保 會典少師少傅少保太子太師

太子太傅太子太保係太子少師太子少傅太子少

保晉銜內閣各部院大臣督撫加銜又吏部尚書由  
五部尚書都察院左都御史改各部侍郎陞任陞內  
閣大學士又戶禮兵刑工五部尚書由都察院左都  
御史改

帝師 留侯世家留侯曰以三寸舌爲帝者師 傅亮  
張良廟碑風雲元感爲帝師

宮保 吳震方讀書質疑官名之屬務稱古號如稱給  
事爲給諫狀元爲殿撰三孤三公保其一也而通曰  
宮保牽強支離竟不成語

亞師 遼除楊戩制云俾涉亞師之列謂少師也

次傅 亞傅 遼除楊戩制又云元袞赤烏進次傅之  
崇名除余深制云越陞亞傅之班皆謂少傅也

亞保 李梅亭啟云惟時亞保之休蓋古司空之選謂  
少保也

孤保 宋除郭海武制眷于孤保

次輔 次相 通典續會要周制立三孤之官乃次輔  
之任或稱三少爲次相之任

師傅保古稱

疑丞輔弼 尙書大傳天子必有四鄰前曰疑  
後曰丞左曰輔右曰弼 大戴禮應而不窮者謂之  
道輔善而相義者謂之充絜廉而切直者謂之弼博  
聞強記者謂之丞注道或謂之疑或謂之輔是所謂  
四輔也

阿衡 保衡 環濟要略三公太師太傅太保也殷時  
有阿衡伊摯佐之太甲改爲保衡皆三公官也詩長  
發鄭箋曰阿衡湯所依倚而取平也故以爲官名書  
君奭孔傳曰伊尹爲保衡言天下所取安所取平也

孤卿 漢書百官表少師少傅少保是謂孤卿

太尉公 司徒公 司空公 漢書百官公卿表或說

司馬主天司徒主人司空主地是爲三公 案漢初

惟有太傅太尉後加置太師太保大司徒大司空哀  
帝時議以漢舊無司徒故定三公之號曰大司馬大  
司徒大司空後漢惟有太傅一人謂之上公及有大  
尉司徒司空而無司保太尉公主天司徒公主人司  
空公主地

公相 老學庵筆記蔡京爲太保號公相詳見相臣古

稱類相公注 案古以師傅保爲三公故丞相兼太師者稱曰公相猶今之封爵又大拜者稱曰爵相或稱侯

師王 西湖游覽志韓侂胄封平原郡王而官太師一時獻佞者皆稱師王

師傅保總稱

三公 三孤 書周官立太師太傅太保茲惟三公少師少傅少保曰三孤孔傳孤特也言卑於公尊於卿特置此三者 案秦則有太尉司徒司空及漢安帝



以車騎將軍鄧騭爲開府儀同三司謂別開一府得  
比三公

三太 三少 文獻通攷三太周之三公也又以三少  
爲孤卿與六卿爲九焉 漢書賈誼傳成王幼召公  
爲太保周公爲太傅太公爲太師保保其身體傅傅  
之德義師道之教訓此三公之職也於是爲置三少  
皆上大夫也曰少師少傅少保

三事 文選景福殿賦三事九司注三事三公也 案  
詩三事大夫莫肯夙夜箋云王流在外三公及諸侯

隨王而行者皆無君臣之禮不肯晨夜朝暮省王也  
正義曰卿則當有六人孤則無主事故知三事大夫  
惟三公耳與文選注同又詩擇有三事傳箋皆以爲  
三卿蓋指侯國而言多此異義

三吏 左成二年傳晉侯使鞏朔獻齊捷於周王弗見  
使單襄公辭焉莊伯不能對王使委於三吏注三吏  
三公也宋書江夏王義恭傳有司奏曰聖旨謙光尊  
師重道欲致拜太傅然周之師保實稱三吏帝道嚴  
極既有常尊考之史載未有茲典

三師 唐六典後魏太師太傅太保尊號曰三師後周  
又爲三公隋氏又爲三師 皇朝因之三師訓導之  
官也又案唐書三師三公太師太傅太保各一人是  
謂三師太尉司徒司空各一人是爲三公皆正一品  
三師天子所師法無所總職非其人則闕隋廢三師  
貞觀十一年復置與三公皆不設官屬

三司 書敘指南蔡邕稱太尉司徒司空曰三司

四輔 四鄰 詳疑丞輔弼注 案文王世子引記曰

虞夏商周有師保有疑丞設四輔四輔卽四鄰天子

之師保疑丞卽世子之師保疑丞非別設其官也

國師 范史趙典傳公卿表典篤學博聞宜備國師

四近 孔叢子疑丞輔弼謂之四近

太子師傅保

太子太師 太子太傅 太子太保 太子少師 太

子少傅 太子少保 詳見少師少傅少保注

保相 晉書齊王攸傳授太子太傅獻箴於太子曰保

相之材必擇賢明

太子師傅保總稱

東宮三太 東宮三少 文獻通攷後魏有太師太傅

太保謂之東宮三太少師少傅少保謂之東宮三少

太子三師 唐六典太子三師以道德輔教太子者也

太子三少 隋書百官志北齊設太子三少

二傅 玉海漢魏故事太子於二傅執弟子禮通典太子於二

傅皆爲書不曰令少傅稱臣而太傅不從文帝爲太子涼茂爲太傅何夔

爲少傅謂之二傅 楊終傳禮制人君之子年八歲

爲置少傅教之書計以開其明十五置太傅教之經

典以導其志案陶潛詩長嘯返舊居長揖儲君傅

六傅 何劭傳初建東宮太子年幼欲令親萬幾故盛  
選六傅 白居易除太子少傅制實資六傅之賢用  
宏三善之道

四輔 四鄰 四近 均詳師傅保總稱注 案此卽  
所謂太傅在前少傅在後入則有保出則有師也古  
者天子之四輔卽世子之四輔故又載師傅保門  
親王傅 舊唐書官品志職事官有親王傅從二品

上書房行走

總師傅 曩時自太學士以下皆稱入直 上書房至

乾隆二十二年以禮侍介福兵侍觀保刑侍蔡新爲  
總師傅於是有總師傅之稱

總諳達 上書房又有總諳達亦以貴臣充

諳達 師傅之外別有諳達教滿蒙書者由八旗翻譯  
出身人員選派教弓箭者由各旗營參佐領選派每  
一 皇子各三員輪日一員入直此外有諳達五員  
管理鞍韉及教演鳥槍等事每日亦一員入直 皇  
子有事他往則五員皆隨往

內諳達 外諳達 或云內諳達外諳達共五人內諳

達教滿蒙書由八旗翻譯人員選派外諳達教弓箭  
騎射等事由八旗參佐領選派輪日入直

哈哈珠塞

亦稱哈哈珠了

皇子各有哈哈珠塞八人由八旗年

幼閒散人內挑派每日二人入直司奉茶進食之事

案清語哈哈男也珠塞小孩也

各等封爵

此爵不同

本朝異姓之封爵也與宗室各封爵若前代宗室封爵

亦有用公侯伯子男五等者故宗室封爵古稱類又不免或與此同

公 禮王制王者之制祿爵公侯伯子男凡五等正義

引元命苞云公者爲言平也公平正直 案雍正元



年 欽定一二三等公美名褒績公忠達公奉議公  
超武公雄勇公果毅公信勇公建烈公勇勤公英誠  
公

侯 禮正義引元命苞云侯者候也候王順逆 周禮

大宗伯八命作牧正禮案曲禮云牧于外曰侯是牧  
本爵稱侯矣 案乾隆十四年 欽定一二三等侯

美名曰奉義侯恭誠侯順勤侯順義侯昭武侯延恩  
侯

伯 禮正義引元命苞云伯者伯之爲言白也明白於

德也又曲禮五官之長曰伯 白虎通殷爵之等謂  
公侯伯也所以子男從伯者何王者受命改文從質  
無虛退人之義故上就伯也 案乾隆十四年 欽  
定一二三等伯美名曰敦惠伯翼烈伯宣義伯襄甯  
伯昭毅伯威靖伯襄勤伯誠毅伯昭信伯懋烈伯誠  
武伯勤宣伯

子 禮正義引元命苞云子者奉恩宣德 公羊傳春  
秋伯子男一也注春秋改周之文從殷之質合伯子  
男爲一爵無所貶皆從子夷狄進爵從子是也

男 禮正義引元命苞云男者任功立業

精奇尼哈番 阿思哈尼哈番 阿達哈哈番 拜他

拉布勒哈番 拉會典作喇 拖沙喇哈番 案今人於公侯伯

輒稱爲五等之封此但沿前代之稱而於我 朝封

爵之制實未之攷也成周以來列爵惟五秦漢時爵

二十級並非世職其世襲者祇有侯爵分縣侯鄉亭

侯三等之稱惟唐宋悉依舊制我 朝則公侯伯以

下並未立子男之爵而別立五等之世職則其爲八

等彼時尚未定漢文之名乾隆元年始奏準以精奇

尼哈番爲子爵阿思哈尼番爲男爵各分三等以阿  
達哈哈番爲輕車都尉亦各分三等以拜他拉布勒  
哈番爲騎都尉拖沙喇哈番爲雲騎尉凡公侯伯無  
論一二三等俱列超品一二三等子爲正一品一二  
三等男爲正二品一二三等輕車都尉爲正三品騎  
都尉爲正四品雲騎尉爲正五品恩騎尉爲正六品  
昂班章京 梅勒章京 甲喇章京 牛錄章京 小  
知錄天聰八年論功增轄五備禦之總兵官稱爲一  
等公其餘總兵官稱昂邦章京仍分三等謂今子爵

也副將稱梅勒章京亦分三等謂今男爵也參將遊擊俱稱甲喇章京謂今輕車都尉也備禦稱牛錄章京謂今騎都尉也 案 皇朝通攷昂邦章京作案班章京甲喇章京作札蘭章京惟梅勒章京與小知錄同又云代子爲分得撥什庫章京爲小撥什庫旗長爲專達屯撥什庫仍爲屯撥什庫未知當今何職也又案順治四年議定世職昂班章京改爲精奇尼哈番梅勒章京改爲阿思罕尼哈番札蘭章京改爲阿達哈哈番牛錄章京改爲拜他拉布勒哈番半個

前程改爲拖沙喇哈番

各等封爵古稱

上公 書庸建爾于上公 穀梁桓十八年傳公五等之上公 家語生爲上公死爲貴神

正公 穆天子傳乃命正公郊父注正公謂二上公天子所取正者

力臣 禮凡自稱伯曰天子之力臣注伯上公九命分陝者正義言已是天子運力之臣

國公 開國郡公 開國縣公 唐書凡爵九等三曰

國公食邑三千戶從一品四曰開國郡公食邑二千  
戶正二品五曰開國縣公食邑千五百戶從二品又  
諸子爲郡公以恩進者封郡王襲郡王嗣王者封國  
公 通典後魏有散公散侯散伯散子散男道武夫  
賜元年減五等爲四 案晉令已有開國郡公縣公  
之稱唐蓋用晉舊令也

徹侯

通侯

獨斷上徹侯羣臣異姓有功封者稱曰

徹侯避武帝諱改曰通侯 案秦制爵二十等以賞

功二十徹侯十九關內侯十八大庶長十七駟車庶

長十六大上造十五少上造十四右更十三中更十二左更十一右庶長十左庶長九五大夫八公乘七公大夫六官大夫五大夫四不更三簪裹二上造一公士據此則徹侯之稱蓋始于秦而漢因之

列侯 漢書高帝紀其有功者上致之王次爲列侯又五行志哀帝卽位封外屬六人爲列侯楊宣以爵王過制爲諫 蘇頌詩尙書列侯第外戚近臣家 案漢制列侯有功德天子命爲諸侯者謂之朝侯其位次九卿下皆平冕文依侍祠郊廟其稱侍祠侯者但



侍祠而無朝位其非朝侯侍祠而以下土小民或以肺腑宿親若公主子孫或奉先後墳墓在京師者亦隨時見會謂之猥諸侯則漢又有朝侯侍祠侯猥諸侯諸稱

長侯 文選注引呂氏春秋誠廉篇武王使召公盟微子曰世爲長侯據此知初封爲侯爵至成王時始命爲上公

亭侯 通典漢獻帝建安初封曹操爲費亭侯亭侯之制自此始也 三國勸進表漢壽亭侯關羽新亭侯

張飛可證大明會典稱壽亭侯誤矣漢壽者封邑卽  
今敘州府也 案漢之列侯大者食縣小者食鄉亭  
則有稱亭侯者亦必有稱鄉侯縣侯者

便侯 見史記年表謂無功而侯者

君侯 漢書劉屈氂傳君侯長何憂乎注如淳曰漢儀  
注列侯爲丞相稱君侯師古曰通呼列侯之尊稱非  
必丞相也 李白與韓荊州書君侯制作侔神明

諸侯長 周禮秋官注諸侯長九命作伯者也

開國縣侯 唐書爵九等六曰開國縣侯食邑千戶從

三品 案通典凡國王公侯伯子男六等次縣侯次鄉侯次齊侯次關內侯又有關中侯關外侯

開國縣伯 唐書爵九等七曰開國縣伯食邑七百戶  
正四品上

開國縣子 開國縣男 唐書爵九等八曰開國縣子  
食邑五百戶正五品上九曰開國縣男食邑三百戶  
從五品上 金史百官志正五品曰縣子從五品曰  
縣男

宗人府

宗人府 會典 國初於 篤恭殿前列署爲諸王議  
政之所順治九年置宗人府

太宗正院 明史洪武三年置太宗正院二十二年改  
爲宗人府並以親王領之秦王棧爲合晉王櫛燕王  
棣爲左右宗正周王橐楚王楨爲左右宗人其後以  
勳戚大臣攝府事不備官而所領亦盡移之禮部

大宗正司 宋史職官志元豐官制行詔宗正長貳不  
專用國姓蓋自有大宗正司以統皇族也

睦親廣親宅 宋史職官志熙甯三年始以異姓朝臣

二員知丞事置局爲睦親廣親宅

大睦親府 金史百官志太宗正府泰和六年避睿宗諱改爲大睦親府

宗正寺 唐書百官志宗正寺卿一人少卿二人掌太子族親藉以列昭穆

南外 西外 宋史燕王德昭傳建炎二年分西外宗子於泰州命合憲知西外宗正事尋擢英集殿修撰知南外宗正事 馬氏通攷宋崇甯三年始置南外宗正司在南京西外宗正司在西京各置敦宗院

案南外西外所以處宗室之在外者也敦宗院亦稱厚宗院

司宗寺 司屬寺 唐書百官志龍朔二年改宗正寺曰司宗寺光宅元年曰司屬寺

宗人府職官

宗令 會典順治九年置宗人府設宗令一人以親王郡王統理府事

宗正 逸周書嘗麥篇太祝以王命作筴筴告宗正 漢書高祖紀自櫟陽徙都長安置宗正官以序九族

初學記引宋百官春秋云周受命封建宗盟始選其宗室之長而董正之謂之宗正成王時彤伯入爲宗正是也 曲阜集行王柄制宗正地嚴秩清儒者之職也

宗人 會典順治九年置宗人府設左右宗人二人以鎮國輔國公將軍兼攝

府丞 會典順治九年置宗人府設漢府丞一人  
經歷 會典順治九年置宗人府設經歷二人

左司理事 右司理事 會典順治九年宗人府設覺

羅啟心郎一人漢軍啟心郎二人滿洲郎中六人員  
外郎六人康熙十二年裁啟心郎始分左右二司每  
司各設主事一人定左右司理事官雍正二年改郎  
中爲理事官員外郎爲副理事官

啟心郎 池北偶談本朝設啟心郎二員外以烏金超  
哈爲之後裁去卽古之宗正也

宗人府職官古稱

宗人令 續文獻通攷正統三年宗人令掌皇九族六  
親之屬籍 案明史職官志宗人府宗人令一人左



右宗正各一人並正一品掌皇九族之屬藉以時修其玉牒書宗室子女適庶名封嗣襲生卒昏嫁諡葬之事是明之宗人令卽今之宗令也

宗伯 漢書百官表宗正秦官掌親屬平帝元始四年更名宗伯 案周禮小宗伯掌三族之別實與宗正職掌相符此元始所以更名宗伯也

宗師 宗正卿 通典漢平帝五年於郡國置宗師以糾皇室親族世氏致教訓焉選有德義者爲之 又曰晉咸甯三年又置宗卿

宗師中大夫 通典後周有宗師中大夫掌皇族定世系辨昭穆訓以孝弟

宗卿 杜甫詩丈人領宗卿

宗正卿 少卿 通典又云後魏有宗正卿少卿北齊亦然 宋史職官表宗正卿掌敘宗派屬藉以別昭穆而定其親疏少卿爲之貳丞參領之

知大宗正事 同知大宗正事 李心傳建炎以來朝野雜記知大宗正事仁宗始置用太祖太宗之後屬近行尊者各一人 攷宋有知大宗正同知大宗正

以皇兄皇姪爲之

判寺事 知寺事 宋史職官志宋初舊置判寺事二人以宗姓兩制以上充注云初置卿少率以常參官判寺事大中祥符八年以兵部侍郎趙安易兼卿判寺趙世長改爲知寺事

大司族 大司戚 叩鉢齋官職攷漢因秦制置宗正掌九族以皇族爲之稱大司族亦稱大司戚

司宗卿 司屬卿 歷代沿革宗正龍朔中改爲司宗卿光宅初改爲司屬卿 案書敘指南宗正職曰司

宗掌族見揚雄箴並漢官儀

宗正丞 漢劉德傳字路叔脩黃老術有智略昭帝初

爲宗正丞 案卽今之府丞也

寄祿官 奉議郎 馬氏通攷丞漢亦用皇族後漢一

人歷代皆有之隋有二人唐因之宋初爲寄祿官後  
改爲奉儀郎元豐正官名詔宗正寺除長貳外自今  
後更不專差國姓建炎三年罷紹興五年復置

惕隱 續文獻通攷遼北面大惕隱司太祖置掌皇族

之正教官名惕隱今國語改爲特哩袞契丹國志惕隱宗正

寺也 遼史百官志惕隱亦曰梯里已

今國語改爲德爾去

札魯忽赤 元史百官志太宗正府秩從一品國初未

有官制首置斷事官曰札魯忽赤

今國語改爲札爾呼齊

冷卿 容齋隨筆世傳宗正爲冷卿 蘇軾送魯元翰

詩冷卿當復溫

內閣

附中書科

內閣 明史職官志大學士授餐大內常侍天子殿閣之下避宰相之名又名內閣 案此則內閣之稱自

明始

國史院 祕書院 宏文院 池北偶談國朝官制設  
內三院曰國史曰祕書曰宏文院各有學士一員既  
設翰林院以內三院爲內閣則止設閣學二員互詳  
翰林院注

多爾吉衙門 皇朝通攷順治十五年諭曰內閣滿字  
稱爲多爾吉衙門漢字稱爲內閣

中書省 通典中書之官謂之中書省有分掌二十一  
局事

鳳凰池 荀勗傳久在中書專管機事及失之甚悵悵

或賀之者勛曰奪我鳳凰池諸君賀我耶

鳳閣 唐書韋嗣立傳與承慶異母承慶爲鳳閣舍人  
武帝詔嗣立謂曰爾父嘗稱二子忠且孝今使卿兄  
弟自相代卽拜中書舍人 文獻通攷中書省唐光  
宅元年改爲鳳閣

綸閣 王崐直中書詩高閣臨雲日險岑仰天居中書  
職掌綸誥前代詞人因謂綸閣白居易詩絲綸閣下  
文章靜

黃閣 衛宏漢官儀卷上丞相廳事閣曰黃閣無鐘鈴

宋書禮志三公之與天子禮秩相亞故黃其閣以示謙

紫閣 王建宮詞金殿當頭紫閣重又野人閒話劉義  
度感懷詩紫閣無心戀青山有意行

西掖 漢官儀左右曹中書左右因謂之右曹又稱西  
掖

西省 宋書王韶之傳晉帝自孝武以來常居內殿以  
省官一人管司詔誥任在西省因謂之西省郎

西臺 初學記中書令唐龍朔改爲西臺右相 文獻



通攷中書省後魏謂之西臺宣武帝謂中書監崔光曰卿是朕西臺大臣

西垣 蘇軾謝中書舍人表西垣視草復玷近班

參酌院 唐國史補長慶初每有司斷大獄又令中書舍人一員參酌而出之百司呼爲參酌院

內閣大學士

體仁閣大學士 保和殿大學士 文華殿大學士

武英殿大學士 文淵閣大學士 東閣大學士 協

辦大學士 會典載大學士不備官向兼各部尙書銜

順治十五年始改內三院爲內閣以大學士分兼殿閣稱中和殿大學士保和殿大學士文華殿大學士武英殿大學士文淵閣大學士東閣大學士乾隆十三年諭內閣滿漢大學士員缺無定自是官不必備惟其人之意而康熙時大學士率用四員雍正間多至六員嗣復著定爲滿漢各二員其協辦滿漢或一員或二員因人酌派又大學士官銜仍兼殿閣其中和殿名從未有用不必開載著增入體仁閣名三殿三閣較爲整齊五十八年諭大學士職居正一

品無庸復兼從一品之尙書虛銜

額外大學士 雍正七年 諭云禮部尙書陳元龍左  
都御史尹奉厯奉 聖祖仁皇帝多年屢經任使今  
雖年近八旬而精神尙健特加恩授爲額外大學士  
似與協辦大學士微有不同今另立一稱

大學士 憲章類篇洪武中內閣置大學士以備顧問  
官僅五品不預政柄自三楊入閣乃以少師尙書兼  
大學士官尊於六卿而口銜天命故中外皆稱之曰  
宰相 案唐宋元之大學士秩不過五品卽明之大

學士亦非重任必加銜乃尊後乃升爲宰輔之任無須加銜稱極品矣

中堂 王士禎池北偶談明洪武十五年設內閣大學士上命皆於翰林院上任十八年又命殿閣大學士左右春坊大學士俱爲翰林院官院中設閣老一公座于中而掌院學士反居其旁諸學士稱閣老曰中堂以此 案湘山野錄錢希白見王冀公欽若戲曰中堂遂有如此宰相乎又聞見錄富鄭公與康節食筍曰未如中堂骨格之美云云王元暉秋澗集有山

堂事記記元初中書省事皆視此矣 案中堂中殿也謂直殿閣之意

大拜 池北偶談本朝以學士大拜者二人高揚李公戊戌大拜兼工部尚書孝感熊公乙卯大拜兼刑部尚書李年三十四熊年四十一 案以大拜稱宰相自昔已然今尤尙此稱

榜式 池北偶談 國初內三院滿洲大學士謂之榜式烏金超哈官大學士亦稱榜式烏金超哈卽漢軍也

閣師 詞林典故庶吉士稱大學士爲閣師再大學士但在未散館以前授者是科庶常均執弟子禮

堂老 閣老 李肇國史補宰相曰元老或曰堂老蓋宋時宰相相呼爲堂老又兩省相呼爲閣老

參知 協揆 謝維新合璧事類後魏古弼爲尙書令參知政事 案今以大學士協辦爲古之參知政事故有稱參知者有稱協揆者然唐之參知政事降宰相一等據合璧事類所載則後魏時已有此名以文義推之蓋謂其以尙書令輔政猶明代拜大學士者

必曰入閣參預機務之類非實有是官號也

相臣古稱

案內閣大學士卽古之相臣也然旣謂之大學士卽不得謂之宰相故不以爲大學士之古稱而仍以爲相臣之古稱以類相從附於大學士之後焉

百揆

冢宰

書納于百揆孔傳百揆無所不總者

後漢百官志百揆堯初別置周更名冢宰

端揆

唐書張說傳端揆者爲萬方之式

丞相

相國

史記秦本紀武王二年初置丞相 通

典始皇尊立呂不韋爲相國

案相國丞相皆秦官

漢因之史許呂后用蕭何計誅淮陰侯拜丞相何爲

相國丞相與相國疊爲廢置則一官異名而已

相 漢書百官志景帝中五年改丞相曰相

相室 漢書五行志不當華而華易大夫不當實而實  
易相室注相室猶言相國謂宰相也

上相 書將告歸乃陳戒于德疏伊尹湯之上相

亞相 長編韓魏公爲相曾公爲亞相趙康靖歐陽公  
爲參政事 案參政事或卽參知政事也

左相 成湯居亳初置二相以伊尹爲阿衡仲虺爲左  
相



國相 袁天綱外傳帝數幸宰相宅見李嶠臥青絛帳  
歎曰國相如是大乘國體

相公 王粲從軍行相公征關右 周亮工書影前代

拜相者必封公故謂之相公若封王則稱相王注司

馬文王進爵爲王荀顗曰相王尊重是也

晉簡文帝稱相王武

帝在魏時亦稱相王自洪武中革去丞相之名則有公而無相

矣卽初年之制亦不全沿唐宋有相而不公者胡惟庸是也有公而不相者常遇春之倫是也封公拜相惟李善長徐達三百年來只二位相公耳 老學庵

筆記蔡攸初以淮康節領相印徽宗賜宴因語之曰  
相公公相子蓋是時京爲太師號公相攸卽對曰人  
主主人翁

平章 李珣傳珣曰祖宗倚宰相天下事皆先平章故  
官曰平章

同平章事 尙書左右僕射 案秦號爲丞相孝惠時  
增爲左右丞相魏黃初改大丞相唐開元置左右丞  
相宋爲同平章事元豐獨設尙書省門下省中書省  
更爲尙書左右僕射明洪武復設左右丞相罷中書

省置殿閣大學士

同中書門下平章事 宋李上交近事會元唐高宗永隆二年以中書侍郎郭正一與魏侍舉並同中書門下平章事此官自正一始也永濟二年四月上謂參知政事崔知溫曰郭正一魏侍舉等厯令尙濩且令預聞政事未可與卿等同名稱自是外司四品以下知政事者遂以平章事爲名 唐太宗貞觀十七年三月以兵部尙書英國公李勣爲太子詹事同知中書門下三品

侍中 野客叢書漢侍中比二千石分掌乘輿服物至持褻器虎子之屬武帝以孔安國爲侍中以其儒者特聽掌御坐唾壺至唐遂以爲宰相之任

參知機務 參知政事 宋史參知政事副宰相毗大政參庶務先是已命趙普爲相欲置之副而難其名稱以問翰林學士陶穀曰下宰相一等有何官對曰唐有參知機務參知政事故以命之

世柱國 後漢書楊震傳贊楊氏載德仍世柱國注言世爲國柱臣也亦稱大柱國攷陸凱疏曰宰相國之

柱也

太宰卿 卻掃編杜相充以列卿使遼時新更左右僕射爲太宰少宰虜伴者問南朝新定宰相官名杜曰曾讀周禮否虜曰正以周禮太宰卿一人則天官之長曰少宰中大夫二人其屬耳安得相抗爲宰哉杜無以應

衡宰 台宰 後漢酈炎傳炎作詩云絳灌臨衡宰又謝弼傳台宰重器國命所寄 案宰者調和膳修之名宰亦能調和衆官故名

宰執 唐書張九齡罷相後宰執每薦公卿帝必曰風  
度得如九齡否

台輔 魏志袁術傳馬日磾歷位九卿必登台輔

宰輔 後漢書二十八將傳論宰輔五世莫非公侯

唐書藝文志蔣乂大唐宰輔錄十卷 北夢瑣言薛

昭緯侍郎恃才與地以宰輔自許切於大拜

元輔 陸雲丞相陸公誅將庸元輔相維天子

鼎輔 魏志崔琰傳涿郡孫禮盧毓始入軍府琰曰皆

公才後咸至鼎輔

鼎席 揮麈前錄李士美何文縝亦以廷魁至鼎席

鼎臣 鼎位 山堂肆攷姑臧集謂宰相爲鼎臣又曰

鼎位

鼎司 後漢書謝夷吾傳宜當拔擢使登鼎司又楊秉

傳三公鼎司無所不統

天老 杜甫詩天老書題目春官驗討論注天老謂宰

相也

錄公 南史袁憲傳陳武帝作相除司徒戶曹初謁遂

抗禮長揖中書令王勵謂憲曰卿何矯衆不拜錄公

肅機 唐書百官志注龍朔元年改左右丞曰左右肅機又宰相表咸亨元年趙仁本罷爲左肅機

首叅 宋史龔茂良傳上命茂良以首叅行相事

譯經潤文使 譯經使 嬾真子本朝宰相銜帶譯經

潤文使蓋本於唐也 楓窗小牘天禧五年十一月

丁丑以宰臣丁謂王欽若爲譯經使謂翻譯藏經也

高霸黎 唐書東女傳東女羌別種也居康延川戶四

萬勝兵萬人王號兵就官曰高霸黎猶言宰相也

清平官 唐書南詔傳官曰坦綽曰布燮曰文贊謂之



清平官所以決國事輕重猶宰相也

婆漫地 唐書環王列傳環王本林邑也呼宰相爲婆漫地

老鳳 王志堅表異錄宋世以翰林學士爲大鳳丞相爲老鳳

內閣各官

學士 侍讀學士 侍讀 中書 會典大學士下又有滿漢學士及侍讀學士侍讀順治十六年裁滿漢學士其滿洲侍讀學士以下俱改爲中書舍人照現

在品級加卿寺銜則非今中書所得比也今率稱中書爲舍人其實昔之中書舍人尊於今之中書遠甚耳十八年始仍設學士及侍讀學士康熙十年始定滿漢學士兼禮部侍郎銜又云乾隆三十七年改中書舍人爲中書科掌印中書

內閣各官古稱

閣學 池北偶談明殿閣詞林記有殿學閣學詹學翰學之名而內閣學士則稱閣學 避暑錄話顯謨徽猷二閣直學士欲效龍圖閣直學士之稱龍學而難

于稱謨學猷學乃易爲閣學此稱閣學之始

簽樞 馬氏通攷宋朝殿學士有觀文殿資政殿端明殿觀文殿非曾爲相者不除資政殿以寵輔臣之去位者端明殿惟學士久次其位者始除近歲以待簽樞云

次相 貳公 攷內閣學士亦稱次相以爲貳公周官貳公宏化貳副也副君以弼君故曰貳公

龍閣 龍學 葉夢得避暑錄話龍圖閣學士舊謂老龍閣但稱龍宣和以前直學士直閣同稱未之有別

也末年陳亨伯直學士佞之者惡其下同直閣遂稱龍學於是例以爲稱

閣老 唐書百官志中書舍人以久次者一人爲閣老判本省雜事又楊綰傳云故事中書舍人年久者爲閣老其公廨雜料獨取五之四至綰悉均給之 案今人率以此稱宰相而變其名曰閣長以稱內閣侍讀閣長卽古之閣老也

假龍 小龍 大龍 老龍 方勺泊宅編舊制直龍

圖閣謂之假龍龍圖閣待制謂之小龍龍圖閣直學

士謂之大龍龍圖閣學士謂之老龍

祕書令 中書令 中書監 初學記中書令蓋周官

內史之任謝靈運晉志以其總掌禁中書記謂之中書 案漢武帝始以宦者典事尚書謂之中書謁者置令僕射成帝建始四年改中書謁者令曰中謁者令更以士人爲之魏武帝置祕書令文帝黃初改爲中書令又置監以祕書左丞劉放爲中書監右丞孫資爲中書令並掌機密中書監令始於此也

中書檢正 宋稱內閣侍讀爲中書檢正

宰相判官 翰苑新書曾肇爲中書舍人王巖叟言肇  
凡材可以稱職李陶亦言中書舍人前人推重爲宰  
相判官豈可序遷

五花判事 曾鞏劄子故事中書舍人分押尚書六曹  
天下衆務無不關決其各執所見謂之五花判事

三省架閣官 宋稱內閣典籍爲三省架閣官

六押 唐書李泌傳給舍分司押字故舍人謂之六押  
蘇軾答舍人啟惟此六押之任要須二者之長

四戶 葉廷珪海錄碎事齊永平初中書舍人四員各

住一省時謂四戶權傾天下 案六朝之中書舍人  
權侷宰相今則內閣之屬官祇七品耳

兩制 周必大玉堂雜記北門掌內制西掖掌外制是  
謂兩制

中舍 舊唐書貞觀初高麗百濟同伐新羅遣使告急  
乃假朱子奢員外散騎侍郎充使太宗謂曰海夷頗  
重學問卿爲大國使必勿藉其束修爲之講說使還  
稱旨當以中書相待

小鳳 表異錄宋世以紫微舍人爲小鳳

紫薇郎 初學記魏武置祕書令卽中書之任隋文帝  
改爲內史令煬帝改爲內書令唐光宅初改爲鳳閣  
內史開元初改爲紫薇令 褚朝楊上徐中書詩中  
禁仙池集鳳凰池邊詞客紫薇郎

紫綬宰相 朝野雜記舍人院每知制誥設紫綬於庭  
面北拜閣老立綬之東北謂之紫褥宰相其禮相傳  
自唐

雜事舍人 唐書奚陟傳中書令李晟有紙筆猥料集  
于省他日以遺中書舍人而雜事舍人常私有之



西班牙 續會要云宣和三年詔西邦學士侍制員多令  
中省具名取旨以班圖觀之學士侍制在西故曰西  
班